

vnmässigen/weiblichen/vnkeuschen Menschen/ Die gelbe Farb  
 be bedeut ein schalckhafftigen/wanckelmütigen/ gelb/grünfarb  
 bedeut ein verachten Menschen/ es sey denn solche Farbe von  
 Kranckheit kommen. Ist auch ein Zeichen böshaffteiger Art vnd  
 Furchtsamkeit/ Die bleiche Farbe bedeut einen geizigen/ neidis-  
 gen Menschen/ Die Honigfarbe/ so man Leberfarbe nennet/  
 ist eine gelbe Farbe/ ein wenig zu röthe geneiget/ zeigt an ein  
 zornigen Menschen/ ein vollen Zechbruder/ ein Lügner vnd  
 vielschwäzigen Menschen/ doch furchtsam oder verzagt/ eine  
 brinnende Röthe/ so der Leib auch etwas lind/ rothgefärbt/ wo  
 solche Farb bestendig bleibt/ gibt anzeigung guter Art vnd Nas-  
 tur/ Geschicklichkeit vnd schnelle Begreiffung aller guten  
 Künste/vnd ein sonderlich/herrlich/trefflich/Adelich Gemüth.  
 Solches aber sey in gemein von Farben gnugsam angezeiget/  
 Darumb wir weiter auch von jeder Glieder Farbe insonderheit  
 reden wollen/ vnd bedeut eine rothgefärbte Brust ein jachzorn-  
 nigen. Deßgleichen auch wo auff dem Bauch herum/ vnd  
 an den beyden Schläffen am Haupt auffgeschwollene äder-  
 lein sich herfür geben.

Sonst gibt die rothe Farbe/ die sich im Angesicht stümpff-  
 lichen erhebt/ eine anzeigung schamhafftigkeit/ aber wo solche  
 Röthe stetig bleibet/ vnd die Nasen vnd Backen zugleich roth  
 sind/ bedeut Trunckenheit.

Von den Farben der Augen haben wir droben gnugsam  
 gehandelt.

Solches aber sey dieses Orts von der Bildhåwrischen  
 vnd Malerischen Physiognomy gnug gesagt.

Wir achten aber gånzlich dafür/ daß keiner so gar vn-  
 verstendig sey/ vnd rechtes Judicii, oder Urtheils, beraubet/ der  
 bey